

**ხელშეკრულება N67-2020**  
სახელმწიფო შესყიდვის შესახებ

ქ.თბილისი

22.12.2020 წ

ერთის მხრივ, სსიპ „სახელისუფლებო სპეციალური კავშირგაბმულობის სააგენტო“ შემდგომში „შემსყიდველი“ წარმოდგენილი - სააგენტოს უფროსის მოადგილის ზაზა ლომიძის სახით და მეორეს მხრივ შპს „ინტელკომ ჯგუფი“ შემდგომში „მიმწოდებელი“ მისი დირექტორის ირაკლი ნოზაძის სახით, მოქმედი საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის მე-3 მუხლის, პირველი პუნქტის „ს1“ ქვეპუნქტის საფუძველზე ვდებთ წინამდებარე ხელშეკრულებას:

**1. ხელშეკრულების საგანი**

1.1 ხელშეკრულების საგანია შემსყიდველის მიერ მიმწოდებლისაგან ხელშეკრულების ღირებულების ფარგლებში ცხრილში მოცემული საქონლის შეძენა (CPV კოდით -32561000 ბოჭკოვან ოპტიკური შესაერთებლები).

კერძოდ :

N	დასახელება	CPV კოდი	ზომ ერთეული	რ-ბა	მოდელი	ერთ ფასი,	საერთო ღირებულება
1	მედიაკონვერტორი1გბ 1550/1310 ნმ 20კმ SC	32560000	ცალი	3	MC-G53-20D-SC	101,48	304,44
2	მედიაკონვერტორი1გბ 1310/1550ნმ 20კმ SC	32560000	ცალი	3	SC_G35-20D-SC	101,48	304,44
სულ:608.88							

**2. შესყიდვის ობიექტის საერთო ღირებულება**

2.1 მისაწოდებელი საქონლის საერთო ღირებულება შეადგენს 608.88 (ექვსასრვა და 88)ლარს საქართველოს კანონმდებლობით დადგენილი შესაბამისი გადასახადების გათვალისწინებით.

**3. საქონლის მიღება-ჩაბარების წესი**

3.1 საქონელი ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

**4. ანგარიშსწორება**

4.1 ანგარიშსწორება მოხდება წინამდებარე ხელშეკრულებაში მითითებულ მიმწოდებლის საბანკო ანგარიშზე, ფაქტიურად მიწოდებული საქონლის შესაბამისი „მიღება ჩაბარების“ აქტის და შესაბამისი საგადასახადო დოკუმენტაციის გაფორმებიდან **10 (ათი) დღის** ვადაში.

4.2 ანგარიშსწორების ვალუტა - ლარი

4.3 ანგარიშსწორების ფორმა - უნაღდო.

4.4 ხელშეკრულების ღირებულების შეცვლა შესაძლებელია მხოლოდ მხარეთა წერილობითი შეთანხმების საფუძველზე საქართველოს კანონმდებლობით გათვალისწინებულ შემთხვევაში.

## 5. ხელშეკრულების პირობები.

5.1 ერთ-ერთი მხარის მიერ ნაკისრი ვალდებულებების შეუსრულებლობა ან არასათანადო შესრულების შემთხვევაში, ბრალეული მხარე დაზარალებულ მხარეს აუნაზღაურებს დოკუმენტალურად დადასტურებულ მიყენებულ ზიანს, საქართველოს მოქმედი კანონმდებლობით დადგენილი წესით.

5.2 მიმწოდებელი იძლევა გარანტიას, რომ საქონელი იქნება ხარისხიანი და არ გამოავლენს ხარვეზებს, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს აღმოჩენილი ნაკლის გამოსწორება.

## 6. მხარეთა უფლება-მოვალეობანი

6.1. მიმწოდებელი ვალდებულია მოახდინოს ხელშეკრულების საგნით გათვალისწინებული საქონლის მიწოდება ხელშეკრულების გაფორმებიდან არაუგვიანეს 5 კალენდარულ დღეში.

6.2. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში მიღება-ჩაბარების აქტისა და შესაბამისი

საგადასახადო დოკუმენტაციის გაფორმებიდან 10 საბანკო დღეში აუნაზღაუროს მას შესყიდული საქონლის ღირებულება

6.3 შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ვალდებულებებზე ან ზარალზე.

6.4 მიმწოდებელს არ აქვს უფლება, შემსყიდველის წერილობითი თანხმობის გარეშე, მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

## 7. ხელშეკრულებაში ცვლილებების შეტანა

7.1 ხელშეკრულების დამდებ არც ერთ მხარეს არ აქვს უფლება, ცალმხრივად შეცვალოს ხელშეკრულების პირობები.

7.2 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.3 ხელშეკრულების პირობების ნებისმიერი ცვლილება, უნდა გაფორმდეს წერილობით, რომელიც ჩაითვლება ხელშეკრულების განუყოფელ ნაწილად.

## 8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ, რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

## **9. ხელშეკრულების შეწყვეტა მისი პირობების შეუსრულებლობის გამო**

9.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის შესახებ წერილობითი შეტყობინების შემდეგ, იმ შემთხვევაში თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი მომსახურება ან მისი ნაწილი;

9.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

9.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო თავად იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

## **10. ფორს-მაჟორი**

**10.1. მხარეთა პასუხისმგებლობის ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო, არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.**

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან

მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## **11. სადაო საკითხების გადაწყვეტა**

11.1 მხარეთა შორის სადაო საკითხები წყდება ურთიერთმოლაპარაკების გზით. მხარეები უფლებამოსილნი არიან შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით, შეუძლია დადგენილი წესით მიმართოს საქართველოს სასამართლოს.

## 12. ხელშეკრულების მოქმედების ვადა

12.1 წინამდებარე ხელშეკრულება ძალაში შედის ხელმოწერის დღიდან და მოქმედებს 2020 წლის 22 დეკემბრიდან 2021 წლის 27 იანვრამდე.

12.2 ხელშეკრულება შედგენილია და ხელმოწერილია ორ ეგზემპლარად, რომელთაგან ერთი გადაეცემა მიმწოდებელს, ერთი შემსყიდველს.

მხარეთა რეკვიზიტები:

„შემსყიდველი“

სსიპ „სახელისუფლებო სპეციალური კავშირგაბმულობის სააგენტო“.

საიდენტიფიკაციო კოდი:204429494

მისამართი: 380038, საქართველო, ქ. თბილისი 9 აპრილის ქ. 2 სახელმწიფო ხაზინა

სსიპ „სახელისუფლებო სპეციალური კავშირგაბმულობის სააგენტოსთვის“ – 4003

ხაზინის ერთიანი ანგარიში

GE24NB0330100200165022

ბანკის კოდი – TRESGE22

მიმღების ანგარიში/სახაზინო კოდი – 7 0771

7121 სააგენტოს უფროსის მოადგილე

\_\_\_\_\_ზ.ლომიძე

„მიმწოდებელი“

შპს „ინტელკომ ჯგუფი“

ს/კ 202441189

მის:ქ.თბილისი, შ.გოგობის N5

ტელ:2989849

ბანკი : სს „თიბისი ბანკი“TBCBGE22

ა/ა GE76TB7037936020100003

(ინგ IG000029235)

\_\_\_\_\_ი.ნოზაძე